



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Ecclesiasticorvm Vita, Moribvs, Officiis Libri Tres**

**Schevichavius, Gisbertus**

**Mogvntiae, Anno M.DC.XXI.**

Cap. XCVI. Canonicas Horas Perpersoluendi vsus.

**urn:nbn:de:hbz:466:1-42349**

C A P. XCVI.

CANONICAS HORAS PER-  
persoluti vñsus.

§. Cogitare debet Clericus, se choris Angelorum interesse (*iuxta Psalmum 137. vers. 2. In conspectu Angelorum psallam tibi*) & intueri ac obseruare viam ac modum, quo ipsi laudant Deum; ut simili demissione, reverentia, attentione, pietatis & caritatis ardore & ipse diuinum Numen celebret, & laudibus extollat.

§. Deum precetur, vt ei inspiret rationem, qua laudes & preces diuinias, vt ipsi maximè placet, persoluat; quia ipsi sine ipso placere & seruire non possumus. Rectè S. August. in Psalm. exponens v. 4. *Quoniam meliore est misericordia tua super vitas, labia mea laudabunt u. Non te, ait, laudarent labia mea, nisi me præcederet misericordia tua. Dono tuo te laudo, per misericordiam tuam te laudo.* Non enim ego possem laudare Deum, nisi mihi donaret laudare se posse; spiritus adiuuat infirmitatem nostram & postulat (postulare facit) pro nobis gemitibus inenarrabilibus Rom.8.v.26. Antequam aggrediatur diuinum officium recitare, hæc curanda sunt.

§. Primò. Colligendus est animus & ab omni tumultu negotiorum exteriore, tum perturbatione, vel sollicitudine interiore seuocandus, vt ejus vires omnes hac vna in re ac pietate occupentur. Id facilè fieri, si ea vigeat apud eum, quæ decer, de negotiis hujus præstantia & excellentia, opinio; nam ipse vilis homo coram diuina majestate & cœlesti curia univer- sionum hominum salutis caussam agit & negotia pertractat. Ita Abraham Genes.18.v.27. *Loquar ad Domini- um meum, cum sim puluis & cinis.*

§. Secundò. Mundities cordis, & morum procuranda

randa & eximia; quippe cùm personam Ecclesiæ, Angelorum, Sanctorumque induat Sacerdos in hoc sanctissimo ministerio, & verbis utatur etiam, apud diuinam Majestatem, Dei ipsius. Quare breuiter in se inquirat, & maculas peccatorum omnes saltem dolore seu contritione expiet. *Prou. 15. v. 29. Longè est Dominus ab impiis & orationes iustorum exaudiet.* Ut his optuletur, illos ope sua destituat.

§. Tertiò. Finis propónendus est nobilissimus. Neque enim id solum spectandum est, ut præceptum impleamus, & euitemus peccatum, sed ut medullitus aucto pectori (ut de Davide scriptum est *Ecclesiastici c. 47. v. 10. De omni corde suo laudavit Dominum.* Quod & ipse saepius indicat *Psalm. 9. v. 2. & 110. v. 1. Confiteor tibi Domine in toto corde.*) adorēmus ac veneremur diuinam Majestatem. Demum referri & officium debet ad honorem & laudem Angelorum ac Sanctorum potissimum eorum, quorum Anniversaria memoria recolitur: Simul ad proximorum utilitatem, & Ecclesiæ totius salutem, præcipue illorum, qui in peccatis vel calamitatibus jacent, Principum & Superiorum nostrorum, ac benefactorum. Præterea ad salutem animæ & corporis nostri hic finis, ut majorum sit virium, ad memoriam sæpè reuocandus est.

§. Quartò. Tempus certum & oportunitum præsertim ab Ecclesia constitutum & maximè idoneum mordicus obseruandum est, quod nos tempestiuæ lectioñis admonebit. *Omnia siquidem tempus habent Ecclesia. 3. vers. 1. Quanquam Apostolus orare nos semper iubeat. 1. Thess. 5. Ait S. Hieron. epist. 22. c. 16. & Sanctis etiam sit somnus oratio: tamen diuersas orandi horas debemus habere, vt si forte aliquo fuerimus opere detenti, ipsum nos ad officium tempus admoneat, Horam tertiam, sextam, nonam, diluculum quoq. & vesperam, nemo est qui nesciat.*

§. Quintò. Locus deligendus est decens, & qui minimè